



H. XIII. 9

Liber
Novo-Tacim-
C/37/II

Henrici Nicolai.

1. Gymnasium Logicum repetitum
2. Exercitatio de Cognitione humana universa.
3. Tr. de Esse alicubi seu Ubicite.
4. Pro methodo Trinitatis alijsq; materijs Apologia.
5. Quadrigatus expensy seu Consideratio quadriga questionum
de Sympochismo nuncupatus Wittebergae editus.
6. Exercitatio de Prudentia Theologica.
7. Exerc. de Obedientia tam Civilis quam Spiritualis.

200. 11

D. O. M. A.
Gymnasij Logici repetiti
DIATRIBE X.
DE

SYLLOGI-

SMI DEFINITIONE
& principiis.

Disputationis loco
Ad Sententiarum collationem in Gymna-
sio Dantiscano proposita

PRÆSIDE
HENRICO NICOLAI
Philosophiæ Professore
Publico.

Respondentis partes obtinente
JOHANNE PECHMANNO,
Dantiscano Borusso.

Ad diem 31. Decembris, S. N.
In Auditorio Philosophico.
Horis ab 8. matutinis.

DANTISCI, Typis GEORGI RHEITL,
Anno M. DC. XXXIX.

DOMA
G. m. Logist
DIATRIB 12
DE

SYLL

SMI DEFINITIONS

& principis

Disputationibus

Ad sententiam collationem in primis

et secundis

PRÆFATIO

HENRICO NICOLAI

Philosophi Professoris

Publici

in Universitate

JOHANNIS RECHMANNO

Philosophi Doctoris

Alumni in Universitate

in Auditorio Philosophico

- Hæc est auctoritas

DATISSE Typo Graphi

Anno M DC XXXIX

Gymnasij Logici repetiti

DIATRIBE X.

De syllogismi definitione & principiis.

I.

IN delubro Eleæ Minerva triplex Veteribus erat structus columnarum ordo: primus, qui ingredientibus se offerebat, Dorici operis; Secundus Corinthiaci; Tertius iuxta templum, Jonico artificio erat elaboratus. Id autem fiebat, cum multiplex esset facultas Deorum, quibus templa exstruebantur. Ut notat Comes l. 1. myth. c. 10. Triplex notio Logico ad struendum Universum ædificium Logicum elaboratur: quod ejus ad disserendum varia & multiplex potestas sit. Simplex, qua objectiva rei apprehensioni: Compositiva, qua conceptuum compositioni, & Illativa, qua argumentationi vel unius ex alio tanquam ex antecedente causali eductioni inserviat. Et totidem Logica artificialis partibus respondens hac Logica Opera. Exegimus prima & secunda: perlustranda restant Tertia, qua syllogismi ampliter vocem usurpando, V. t. 7. dicuntur, Et parti Logices tertia pro objecto substerni solent.

2. Syllogismus tractari potest vel præcognitivè vel cognitivè. Præcognitivè tripliciter. An detur? An adequatum Librorum Analyticorum & partis tertia objectum? Quot modis consideretur, & quomodo hic imprimis tractetur?

3. Quà primum: Dari syllogismos patet argumento. & artificiali, quia datur discursus naturalis, ut docet experientia omnium benè sensorum, Cui reclamare insanum est. E. & instrumentum, quod illum dirigere debet. Nam ille interdum errare potest à vero: Et opus artificiosum, ut noëma Logicum à naturali discursu expeditum, quomodo Enuntiatum opus Logicum secundæ mentis operationis, compositionis conceptuum est, V. t. 4. 6. 13. At tale quid est syllog. artificialis in

Ee

Logi-

Logicâ elaboratus. Et Inartificiali; Testimonio omnium Logicorum, qui syllogismum in suis scriptis omnes in universum proponunt.

4. Quâ secundum, tria queruntur. 1. An adæquatum librorum Analyticorum & partis tertiæ Log. objectum? *Varians sententia.* Clitoveus & Marsilius argumentationem, Averroës & Alexander demonstrationem librorum Analyticorum objectum faciunt. Alij aliter. Distinctè hic dicendum, 1. Analyticorum priorum objectum tractationis est syll. simplex quâ formam consideratus: Nam ille in illis libris pertractatur: Objectum nobilitatis demonstratio esse potest. Et sic Arist. hic de demonstratione agi dicit, 1. prior. c. 1. & 4. *Et benè* Conimbr. præf. l. 1. Prior. *Vel synecdochicè* Aristot. per Analytica intelligit An: posteriora, tanq. nobiliora, & majoris difficultatis scripta, *Et placet* Cl. l. M. C. 3. d. 2. q. 1. 2. Analytic: posteriorum objectum tractationis est demonstratio, ut benè Tolet: præf. l. 1. post. Nam hujus principia, partes, & passionis ibi queruntur & proponuntur. At hoc de objecto aliquo in disciplinâ fieri solet. 3. Omnium librorum Logicorum de syllogismo tractantium, ut Analyticorum, Topitorum, Elenchorum, & sic partis Tertiæ Logicæ universæ, adæquatam & totale objectum est syllogismus in universum sumptus, & formalis & materialis, & necessarius, & probabilis, & apparens, Et simplex & compositus. De simplici res patet, diligentissimè n. in omnibus istis libris tractatur. De Composito in Analyticis nihil habet Aristoteles. In Topicis explicans locos antecedentium, consequentium, comparisonum, l. 2. Top. c. 2. 3. de syllog. connexi modis obiter quædam inspergit, ut notant Conimbr. præf. l. 1. prior. & factis compositis interdum usurpat, 1. prior. c. 21. 23 l. 2. pri. c. 11. & l. 2. Top. c. 3. Interpretes, Theophrastus, Eudemus, Boetius.

etius, Philoponus, plura addidēre, & uberiūſ compositum explicuerunt. Ab Aristotele omiſſus eſt, quia partim ad demonstrationem, ut perfectiſſimum Logice instrumentum, ſemper reſpectu, ad quam parūm conducent Enantiata composita: partim ipſe ſyllog. comp. virtute ſimplicis, quem in ſe habet, concludit, ex reſolutione in ſimplicem ex quo conſtat, viſ inferendū tota in eo conſtat & animadverſi debes, ſi firmiter per eum probari aliquid debes, *Vi plurib. d. 11. t. 8. dicitur.* Vulgò obiectum partis Tertiæ Logicæ Tertiæ mentis operatio dicitur. *Keck. tr. 3. præcog. Log. c. 2. q. 11.* Rectiūſ iſtius Tertiæ operationis nōmīnata & opera, vel gradus tertij ſecundarum notionum ex tertiā operatione producti obiectum tractationis eſſe dicuntur. *Conf. Zabari. l. 1. d. N. L. c. 3. & diſ. 1. Log. t. 23. d. 7. t. 3. & hanc ipſam diſp. t. 7.*

5. 2. Si obiectum partis tertiæ, an primo loco tractandus Syllogiſmus in forma? An materiali Topico præponendus? Recentiores quidam apud Conimbr. c. 1. negant, quòd inventio ſit prior Iudicio, & prius materia ſit comportanda, quàm forma apletur. *At materiam ſubminiſtrari in Topicis.* Idem ſentit Duſa l. 4. Log. c. 2. n. 1. ſeq. & factio ſa procedit. Quòd & materia prior formā ſit, & generaliter omni ſyllogiſmi forma ſubjiciatur, & facilior ejus, quàm forma, cognitio ſit, & proximè eſt naturā Enunſiatorum fluat, quæ libro 2. Log. explicata. Sic ergo Enunſiationem ipſam proximè materiam ſyllogiſticam excipere debere. Circa hec nota 1. Materia generalis & communis, qualis in Syllogiſmo ſunt Termini & propoſitiones, præcedentibus jam ſunt elaborata; Ea q̃ præcedere debet formam ſyllogiſticam, & præceſſit jam: ſpecialis, quæ cuidam ſaltem rei inſerviat, qualis eſt in Topicis, ubi Syllogiſmus applicatur materiæ probabili & talib. enunſiatis, accurato doctrina ordine poſtponi debet. Sic

enim communissima in artibus sunt proponenda specialibus. A generalibus n. pendet intellectus specialium. At communis quid, Dispositio formaliter sumpta, quàm certæ materia applicata. Ergò Syllogismus formaliter sumptus pramittendus Syllogismo Topico: ille enim generalis, hic specialis. 2. Materia prior formâ in naturalibus, & ordine producendi: Sed forma prior materiâ in artificialib. & ordine intendendi & docendi. Si sutoriam docere velis, prius de formâ calcei & modo inducendi eam docendum, quàm corio alia vè materia. Forma in ideâ semper praconceptitur & in docendi accurato ordine pramittitur, Eisi utcūq; in re & existentia materia interdum prior sit. Nec semper ordo docendi ad ordinem existendi in naturâ est alligatus: sed ad faciliorem & distinctiorem cognitionem. Hic autem per analogiam in artificialib. versamur, non naturalibus. Logica habitus artificialis est, non naturalis: eoz ordinem proponendi in artificialibus imitari debet. 3. Omni formæ syllog. subjicitur materia; sed generalis, non specialis. Vnde Topicus, Apodicticus syllog. dicitur, & quam nos formæ syll. postponimus. Cognitionem ejus faciliorem cognitione formæ syllog. esse experientia & usus reclamat. Materialia principia, ut apodictica, Topica, invenire, animadvertere, distinguere, adhibere, ac legitime ex illis arguere longè gravius, quàm syllog. aliquem in 1. 2. 3. figurâ formare. Hoc & puer doceri potest: Illud non nisi majore judicio praeiudic. 4. Proximè à natura enuntiatorum materia syllog. fluit, sed generalis: specialis ex peculiari Enuntiatorum materiali habitudine, necessitate vel contingentiâ, fluit. Ante materiam tamen generalis forma in materia tam importanda in artificialibus concipienda idea, si dextre procedi debeat.

6. 3. Queritur, Cur analyticî isti libri vocantur, cum maximè constructio syllogismi in illis doceatur, non resolutio

Solutio? Sic magis synthetici vocandi fuissent? R. Vel inscri-
 ptio ista non est ipsius Aristotelis, sed ab interpretibus adhibita,
 ut censet Galenus libr. d. op. Aristot. Hic enim priora Ana-
 lytica de ratiocinatione, posteriora de demonstratione appellat
 l. i. poster. c. 3. Vel analysis hic Mathematicè sumitur pro u-
 nius propositionis ad aliam, à quâ dependet, reductione, Et sic e-
 adem modo syllogismus in his libris ad suas partes & principia,
 ex quib. constat, revocatur. In priorib. Anal. ad figuras &
 modos, è quibus structura ejus constat: in posteriorib. ad prin-
 cipia necessaria, ex quibus procedit, & quæ in se continet. Vel
 à difficiliori, nobiliori & utiliori operatione Logica sumpta in-
 scriptio, quæ analysis. Plus enim operæ & difficultatis in justâ
 resolutione syllog. quàm compositione est, ut experientia docet:
 Et qui accuratè noverit resolvere ab alijs contexta, etiam benè
 noverit syllogismum construere. Sed non vicissim, si benè con-
 struere, & ab alio constructum accuratè resolvere. Plus enim
 hoc requirit, quàm illud. Hoc non nisi præceptis expedietur:
 Illud solo ingenio expediri potest. Fisi quoad rem unus actus
 intellectus esse queat, componere & resolvere: quoad rationem
 tamen, modum procedendi, terminum à quo & ad quem, & fi-
 nem specialem operantium ac intendentium resolvere aut com-
 ponere distinctissima sunt, Vt in præcep. præd. Log. l. 3. c. I.
 §. 5. dictum. Et plus laboris in resolvendo sæpè est, quàm compo-
 nendo, V. c. l. c. 5. §. 1. Vel per resolutionem distinctius sub a-
 spectum mentis partes syllogismi & demonstrationis veniunt,
 quàm compositionem: ibi conjuncta sub confusione velut latent,
 quæ analysi ad particularem manifestationem distinctè eruun-
 tur. Sic quæ authores in scriptis interdum peccarunt confun-
 dendo, mutilando, pervertendo, distinctè per analysin represen-
 tantur, cum in scripto composito valdè occultata, involuta &
 incrustata lateant. Quæ tertium præcognitum, *Syllogis-*

mus spectatur vel ut discursus naturalis, sic ad doctrinam de animâ rationali pertinet: vel ut opus Logicum & artificiosum ex discursu productum, relictum, & pro dirigendo intellectu in ratiocinatrice disciplinâ, qualis Logica, perfectè elaboratum & propositum. Hoc modo in actu signato sumitur, & solius Logica opus est, ac in eâ proponitur & inter coetera ratiocinandi noëmata tractatur. In actu exercito, ut in materiis ipsis est, adhibetur, & ex discursu naturali vel artificiali relinquuntur, in omnib. disciplinis & facultatibus locum habere potest.

7. Fuit præcognitio. Cognitio est nominalis & realis. Nominalis triplex. 1. Homonymica. Syllogismi vox variè sumitur. 1. Latissimè, ut omne instrumentum sciendi comprehendit, etiam methodum. V. Zabari. l. 3. d. meth. c. 3. Ita δῶρα interdum omnem intellectum notat, etiam simplicem. V. Scheibl. l. 2. Meta. c. 4. n. 189. Hac significatione utuntur Ramei, Vt Ramus, Dunamus, Beurhusius, Vives, Pet. Martinus, Casmannus, alij. Quib. consentiunt Keckermann. l. 3. f. 1. c. 1. Alstedius l. 7. Log. har. c. 1. Magirus l. 6. Phy. c. 19. §. 56. Conimbricens. in 1. prior. c. 1. q. 2. a. 1. Vnde tertiam Log. partem in inferentem & ordinantem dividunt, Vt Kec. Alst. Conimbr. & alij. Alij tamen eam negant, quod nova & veteribus incognita sit, cum Syllogismas ignotum ex noto colligere debeat, non solum à noto ad ignotum progredi, ut Ram. & Keck: volunt. V. Cl. I. M. l. 2. dis. Ram. c. 9. q. 1. ubi ex auctoritate veterum Philosophorum id probat. Si apud Philologos interdum secus est, Philosophos de distinctis distinctè loquentes hoc stringere non potest. Discursus enim vox hic ita sumenda, ut solius partis Log. tertiæ sit propria. Hanc enim discurrere dicimus. At ordo & ceteris partib. communis est, Vt d. 16. patebit. 2. Latè & uni illatione, quæ non sit methodus. Ita in hac materiâ à qui-

quibusdam sumitur. V. Scheibl. d. syll. c. I. n. 4. Sic & illationes imperfectæ, ut Enthymemata, Inductiones, syllogismi compositi, Syllogismi dici solent. Huc perinet, cum apud Arithmeticos qualiscumq; computatio Syllogismus dicitur, unde Arithmetica Logistica dicitur. 3. Strictissimè, vel pro solis præmissis, Sic I. post. c. 2. dicitur, demonstrativum Syllogismum constare ex causis conclusionis: vel pro solâ Conclusionem, sic I. prior. c. 4. 5. 6. dicitur in inutili modo non fore syllogismum, id est, Conclusionem. Monlorius in phrasi Aristotelicâ in t. An. ἐστὶ δὲ συλλογισμὸς, semper hunc sensum ponit. V. Wegerum c. I. q. 9. n. 4. 4. Strictè pro aggregato ex præmissis & conclusione profecto, sub forma & modo aliquo directè contento. Vt I. prior. c. I. & 2. prior. c. 23. Sic excludit syllogismos imperfectos. Et sic magnam partem hic sumitur. Hoc modo vel ipsam operationem naturalem argumentandi notat: vel opus & noëma aliquod artificiale & Logicum ex eâ productum, quo intellectus in argumentando dirigi debeat, ne à vero erret, quod syllogismus dicitur, V. c. 6. 13. Hoc modo hic accipitur. Etymologiam & synonymiam ap. Finckium c. I. syllog. aliosq; vide. Interdum consequentia dicitur, Vi notat Keslerus d. conf. c. I. Græcis λόγος, item πειρασμός, & λόγος ἐπιχειρηματικός, ratio manu invadens, quasi aggressio, ut quidam vocarunt, memorante Quintil. I. 5. c. 10. Periphrastice Scaligero transmissio mentis inter metas notæ & ignoti ap. Barthol. I. 3. p. com. c. I. instrumentum & finis dialecticæ Caso c. 16. Log. Dialecticorum telum acutissimum Eidē c. 17. dicitur, & quæ sunt similia.

9. Fuit Nominalis Cognitio. Realis hoc loco duplex esse potest, definitiva, & principiorum.

10. Definitio sit: Syllogismus est argumentatio expositis quibusdam aliud necessitate formæ naturali processu concludens,

II. *Definitio constat genere & differentiâ. Genus est argumentatio. Argumentatio est dispositio propositionum, ignotum ex noto velut medio termino inferens. Unde syllogismus nil aliud, quàm dispositio quadam, quâ in re ut generico conceptu convenit cum propositione, ut dictum d. 7. t. 15. Et argumentatio nil aliud, quàm ratiocinativa dispositio: Est q̃ vox argumentationis adeò lata, ut quamvis ratiocinationem, etiam imperfectam, ut Enihymema, soritem, Inductionem, Syllogismum compositum, comprehendat. Quæ Omnia argumentationes dici possunt: Tota tamen Syllogismi definitio illis non competit ut post patebit: & sic syllogismi dici non possunt, nisi remotè, virtutè: aut latè vocem Syllogismi usurpando. Cum perficiuntur, syllogismi fieri possunt. Est q̃ argumentatio genus analogum ad syllogismos, quibus primò & per se competit, & imperfectas argumentationes, quibus secundò & per aliud, per ipsos syllogismos, in quos redigi possunt. Multa horum ex d. II. r. 7. seq. patebunt.*

12. *Circa genus syll: assignandum magna alioquin est Authorum varietas. Ramei dicuntur. s. discursum ponunt. Ram. l. 2. dial. c. 9. & l. 7. Sch. Log. c. 3. Piscat. in h. l. Olevian. l. 2. dial. c. 11. Beurh. l. 2. coll. c. 9. Snel. l. 2. dial. Log. c. 9. Scheibl. d. syllo. c. 1. n. 17. Conimbr. l. 1. prior. c. 1. q. 2. a. 1. Alij dispositionem. Keck. c. 1. Libavius l. 2. Log. Phil. Ram. p. 540. Alsted. instrumentum dianoëticum. l. 7. Log. harm. c. 1. Mendoza modum sciendi, d. 10. Log. f. 9. 10. Aristoteles λόγον definit. l. 1. prior. c. 1. & l. Top. c. 1. Quam vocem alij per Orationem interpretantur, Gellius, Boëthius, Hildenus, Scherbius, Flacius, Hippius, Stengelius, Perionius, & c. Alij per rationem, ut Machorius, Burana, Scheiblerus, Goclenius, Crellius, Finckius, Bartholinus, Bertius, & alij. Hesenien-*

ria partim conciliari possunt, partim veri partem aliquam habent, partim nimis remota sunt. De quo adverte sequentia.

13. 1. Syllogismus rectè definitur argumentatio, ratiocinatio, discursus, δίαγωγὴ, illatio, Ratio: Nam hac vocabula hætenus equipollent, & notant non discursum aut ratiocinationem naturalem, quæ non potest esse genus operis artificiosi, ut benè obijcit Alsted. c.1. Sed ipsum opus seu notionem à Logicâ efformatam, discursum naturalem dirigentem, V. t. 6. 7. Prout aliàs non infrequens est, idem nomen significare & rem naturalem, & habitum artificialem. Sic ira, audacia, misericordia, significant & affectus naturales, & habitus acquisitos. V. Scalig. ex. 307. s. 4. Sic voluntas significat & rem volitam & ipsam volendi actionem. V. Scheib. c.1. n. 24. Ita ergò discursus, argumentatio, ratiocinatio, ut opus artificiosum notant, quidditativè prædicantur de Syllogismo, qui est tale opus. Et quidem genericè, competunt enim Syllogismo & vocali & mentali, perfectò & imperfectò, ut speciebus sub genere contentis. Et sic argumentatio idem omninò est cum instrumèto Dianaëtico, quod urget Alsted. Et sic ejus sententia quæ rem planè cum nostrâ convenit: Nisi quod in hac clarius ponatur vocabulum, unâ voce expressû, (quod, si per voces licet, omninò in definitionibus est præferendum) & absolutum: Nam syllogismus primò est absolutum quid: secundò relatum transcendens & secundum dici, non esse. Vt benè Cl. I. M. c.1. q. 4. Ita omnia noëmata Logica sunt instrumenta, ratione usus & applicationis: Ita ipsa Logica est instrumentum. Conf. d.1. t.11. 19. In istâ obscurius, duabus vocibus enuntiatur, & relativum.

2. Syllogismus est ens per aggregationem: Ideò non ejus rigidum genus est querendum, quale in simplicib. & directè prædicamentalibus rebus est. Sufficit, si detur vero proximum.

14. 3. Adequatum Syllogismi universè sumpti genus est

λόγος, id est, ratiocinatio: Nam hac & mentali & vocali syllogismo competit: Et sic explicanda vox Aristotelis λόγος, quae significatio est apud ipsum Philosophum l. 1. Top. c. 12. Vt syllogismus in communicatione spectatur, sic & oratio seu vox ad eum requiritur. Et sic λόγος etiam per orationem reddi potest. Non enim repugnat syllogismo, Oratione vel prolata vel scripta exprimi. Primario tamen hic ad opus mentale respiciendum. Quod, ut primum, Natura Logices obijciatur. Alicujus syllogismi, ut vocalis, genus potest esse Oratio: universi nequaquam. Conf. Cl. I. M. c. Kec. l. 3, f. 1. c. 1. & l. 2. dis. Ram. c. 1. q. 4. & c. 3. q. 1.

15. 4. Si dispositio hic intelligatur discursiva dispositio & multarum propositionum ad inferendum tertium quid aggregatio ac ordinatio, ut intendit Keck. c. 1. & explicat ac probat Zanakius l. 3. f. 1. c. 1. q. 3. bene syllogismus definitur dispositio, estque nil aliud, quam ratiocinatio vel discursus. V. t. 11. & ut genus aliquod diversas ac valde analogas species sub se comprehendit, perfectam & imperfectam, Vt c. 1. dicitur, sicque ut pluribus speciebus quam syllogismo competens recte ejus genus esse dicitur, Et quia genericam vocem dispositionis syllogismus cum propositione convenit: Si Dispositio in genere, nimis remote definitur. Abstrahit enim à discursivo & non discursivo, quale syllogismus non est, ut discursivus tantum. Sic actus conclusionem inferens, id est, discursio, seu ratiocinatio, propius genus est, ut bene Barthol: l. 3. p. com. c. 1. & Wegerus c. 1. q. 6. n. 3. Quod si ita dispositionem indifferenter intellexit Keckerm. remote sane definiuit, nec precise tenendus est. Antecedens tamen vix est credibile. Nec nostro generi obstat, quod syllogismus sit ens aggregatum, cujus genus partes materiales potius sint, quam dispositio. Nam in aggregatis notionalibus non impedit, formam poni pro genere.

nere. Sic propositio est aggregatum ex terminis, bene tamen definitur è formâ suâ, dispositio. V. d. 7. t. 15. Sorites, inductio, sunt aggregata: bene definiuntur à suis formis, argumentationes. Et sic in accidentium definitionibus, quas imitantur Notionalia, usitatisimè forma obtinet locum generis. Sic albedo est color. Paternitas est relatio. Habitus disciplinares sunt aggregata. Communiter tamen ex genere per formas definiuntur, scientia, prudentia, habitus instrumentales, &c. Negat id quidem Sagittar. C. 4. Log. d. 4. t. 2. cum Rameis: sed à Peripato communiter defenditur. Conf. Cl. I. M. C. 10. d. 5. q. 1. & d. 2. d. perf. t. 56. 57. Zabar. l. 4. d. meth. c. 14. Corn. Mart. prol. Log. c. 4. Imò & in aggregatis realibus genera à formis sunt. Sic Respublica est ordo, Exercitus est ordo vel dispositio, etsi è materialib. suis partes ipsæ dispositæ sint. 5. Modum sciendi syllogismum definire & remotum, & equivocum est. Remotum, Nam omnia noëmata Logica possunt dici modi sciendi, quia ad eum ut instrumenta in usu adhibetur: Sic & termini partis primæ instrumenta ad sciendū adhibita & sic modi sciendi sūt. At hic de noëmate partis tertiæ q̄ritur, cui determinatio genest assignandū. Aequivocū, Nam tota Logica est modus sciendi. Sic Arist. absurdum dicit, querere scientiam & modum sciendi. Nec rigidè syllogismus est ipse modus sciendi, sed instrumentum ad eum conducent. Et aliàs plura significata habet vox ista V. ipsum Mend: c. 1. s. 1. Et cum suppetunt propria, significantes, & usitate voces, nil opo subrogare in definitionibus aquivocas & inusitatas, vel non ita aptè rem, quam debent, significantes. 6. Actum Intellectus inferentem syllogismum definire materiali sensu possumus, quia ex parte rei syllogismus in primario suo spectatus est actus intellectus discurrens s. unum ex alio tanquam ex medio inferens, V. t. 13. 14. formali non sic enim est opus ex i-

isto actu in intellectu redūdans & relictum, ac tanquam artificiale ad discursum dirigendum in Log. propositum. V. t. 6. 7. Actus vocabulum utrumq. notare potest, & ἐνεργεῖαν s. operationem, & ἐπέστυμα s. opus ab operatione relictum, Quomodo & effecti vox in doctrinā causarum utrumq. notare solet. 7. Actus hic intellectus non est realiter unus, & ratione saltem diversus, ut Scotus voluit, 2. sent. d. 7. q. 1. & d. 9. q. 3. Sed & realiter & notionaliter diversos aggregat, unde aggregatum nōcia dicitur, t. 13. 15. Complectitur enim & actum antecedentem, unde alius elicitur, & consequentem, qui elicitur, ut in definitione insinuat per aliud ex alio sequens. V. t. 17. Unum autem & simplex non antecedit aut sequitur seipsum, sed aliud. V. c. 1. 8. Opus hoc Logicum, syllogismus, & à mente hominis produciuntur, & in eā terminatur ac existit. Etsi n. de materiā concludat de rebus: tamen id ut objectivè representatis facit, quæ representatio extra mentem non est. Forma ejus, dispositio discursiva, nuspiam extra mentem reperitur. Frustraq. hæc impugnat Iimplerus l. 4. Log. c. 1. q. 3.

16. Fuit genus syllogismi: sequitur differentia. Ea cæteris verbis definitionis absolvitur. Dicitur I. Ex positivis quibusdam. Posita quidam per concessa explicant, ut Boëthius, Gellius, Averroës, Fonseca, & alij apud Ch. I. M. C. 3. d. 4. q. 1. Quibus consensit Mend. d. 10. Log. f. 10. §. 44. Quidam per disposita seu præmissa, ut Regius, Crell. Tartaret. apud eundem c. 1. Barch. c. 1. c. 1. Rectius hoc. Nam hic adhuc de syllogismo in merā formā agitur, abstractā adhuc materiā verā, quæ concessionem requirat. Et ostenditur hic saltem formæ consequentia, quæ & è falsis præmissis inferri potest, sive ea ut vera concedantur, sive non: dummodo præmittantur, ex ijs necessario exsurgit Conclusio. Ostendit hoc Aristoteles exemplis istis Abecedariis, quæ frustra ex-

agitant

agitant Ramei, V. Cl. I. M. c. I. c. II. q. 3. Cum evidenter materialis & formalis syllogismi discrimen importent, Quod in Log. observare imprimis necessū est. Sic omne animal est bipes. Omnis lapis est animal. E. omnis lapis est bipes. Si iste præmissæ præmittantur, necessario subsequitur per formam conclusio: si ve illa præmissa concedantur, si ve non. Id verum, non posse nos alienum in certâ materiâ redarguere, nisi ex concessis præmissis. Sed hac ratiocinatio jam ad materiâ, de quâ disceptatur, respicit, non in nudâ formâ manet, de quâ hic agimus. Nos formam illationis attendimus, etiam si in absurdissima materiâ sit, quæ nunquam concedi possit. Sit amen concessa latissimè sumas, sic idem erit ex concessis arguere, & præmissis. Conf. Scheibl. c. I. n. 29.

17. 2. Cum quedam posita dicuntur, intelliguntur duæ præmissæ: adeoq; duo actus intellectus præcedentes, abjuncti adhuc: Qui junguntur à Tertio, qui conclusio dicitur. Debent ergo in syllogismo perfectio, de quo hic agimus, plures esse actus, quā unus: Nam si una præmissa esset, non est consequentia formalis, nec sufficiens ad legitimam illationem. Et sic cognitio unio non solum post aliud, sed & ex alio est & per aliud, cum motu de cognitione in cognitionem, objecto in objectum, adeoq; dependentiâ essentiali posterioris à priori, quæ formaliter discursum facit. Necesario ergo talis dependentia plures actus requirit. Conf. t. 15. 3. Isti tres actus vel possunt successivè elici, quando antecedens nondum satis est notū, quomodo sit causa conclusionis, Tum enim suspendi potest actus illationis: vel in instanti, cum satis penetrata sunt præmissæ. Hic quia conclusio pendet à præmissis causaliter, potest in eodē instanti cum illis agnosci, cum non semper inter causam & effectum necessario prioritas temporis requiratur: Nec motus, qui hic in discursu est, sit propriè dictus, sed analogus: cui nil

obstat, instantaneum esse, ut in mutationibus instantaneis, ut illuminatio, apprehensio iudicativa, patet. Nec realiter hinc unus actus sicut. Esi tempore simul sint. Ordinis enim variatio & successio manet; esi temporis desit. Sicut res infantes uno momento geniti revera differunt, esi tempore simul incipiunt. Actibus diversis quâ ordinem producantur, esi uno eodemq; momento.

18. Dicitur 2. Aliud quid sequitur. Aliud hic est ipsa Conclusio seu illatio, quæ est actus inferens tertium ex duob; actibus positiss seu præmissis. De eâ nota: 1. Conclusio non tantum est successio quadam actus, quæ discursum perficiat: sed & illatio ex præmissis facta. Non est solum ex præmissis & post eas, quomodo re unâ cognitâ progredimur ad aliam; sed & propter præmissas, id est, habet dependentiam suam ex præmissis, non quâ nudam existentiam, qualis & in primâ & secundâ mentis operatione est: sed in primis quâ causalitatem & illationem: non causalitate Physicâ, sed Logicâ & determinativâ. Nam hic cognoscitur alterum ob positionem antecedentis, ut causam: Nam præmissæ sunt velut causa determinantes intellectum ad eliciendam conclusionem: Et in hac consequentia & assensu illativo, quo posteriori assentimur propter prius, quod positum est, consistit essentia discursus. Ac per hoc operatio tertiâ à secundâ & primâ Logicâ distinguitur. 2. Actus ille illativus, quâ iudicat componendo aliquid vel dividendo, est propositio, & ad secundam operationem pertinet: Quâ iudicat aliquid cum dependentiâ causali ex alio, ex quo ut causâ consequitur, est ipsa Conclusio, ratiocinatio, & ipsa syllogisatio, & ad operationem tertiâ pertinet. 3. Illatio passivè sumpta, id est, actus unus illatus ex altero, est ipsa consequentia syllogistica: activè sumpta, id est, actus inferens unum ex alio, est operatio mentis ratiocinantis, cujus opo
dis-

dicitur syllogismus. Respectu intellectus est actus inferens activè, i.e. qui unum ex alio educit: Respectu totius syllogismi & premissarum, unde consequitur, est inferens passivè, id est illatus ex alio &eductus.

19. 4. Conclusio est aliud à premisis actualibus, id est, non est talis propositio, qualis actus est aliqua premissa: Sed non à virtute premissarum: Nam in illà latebat Conclusio, & ex virtute & vi illarum educitur. Et hoc vult Philosophus, verbis, eò, quòd hec sunt. Conf. c. 18. Conclusio quā dispositio- nem & illationem aliud est à premisis: non quā extrema illata, quæ plura inferre non potest, quàm à premisis sunt præ- assumpta, ut in Log. doceri solet. Et sic ex parte objecti non potest conclusio realiter differre ab premisis objectivis: Nam alicui in premisâ posito oportet identificari. Oportet enim ea- dem esse uni tertio, quæ inter se eadem esse probari debent, ut habet Canon consequentiæ syllogistica. Secus nihil probabitur. Ex parte ipsius dispositionis extremorum aliud sunt premissæ, aliud Conclusio. 5. Intellectus assentiens premisis necessa- riò assentit Conclusioni & quā speciem actus, & quā exercitium: Nec potest ejus assensus impediri à voluntate directè, inhiben- do istum assensum: Sed indirectè, id est, vel divertendo ipsum in aliud objectum à premisis: vel nimium alteri objecto affi- gendo, vel non satis accuratè in premissas desigendo, ut illis ple- nè assentiatur. Nam intellectus est actus necessarius, non for- maliter liber, ut voluntas. Non ergò potest actum suum circa verum particulare suspendere, ut voluntas suum circa bonum particulare. Nec subauditur voluntati circa objectum evidens, ubi necessariò assentitur: sed obscurum, ubi non evidentem ha- bet cognitionem, aut non sufficientem. Voluntas suum a- ctum inhibere potest etiam contra intellectum, & in eo maxi- mè voluntatis libertas consistit, ut contra Bellarminum bene probant.

probant D. Meiff. d. 21. Antro: q. 7. & p. 3. P. S. f. 1. c. 1. q. 6. & Becanus p. 2. T. 1. Th. Sch. tr. 1. c. 2. q. 5. ac ulterius d. 2. dec. 3. misc. t. II. discussum. Et in peccantibus in Spiritum Sanctum manifestissime patet, qui scientes volentes oppugnant & blasphemant sufficienter cognitam veritatem, quam intellectus clarè & copiosè legitimam esse assequitur. Voluntas tamen summe Corrupta respuit, odit, repellit, persequitur, satiusq. sua libidini obsequi, quàm intellectus dictamen sequi ducit. Sed intellectus, cognitis præmissis, & benè universis perpetratis terminis minimè assensum inhibere, potest.

20. 6. Consequentia concretè sumpta est ipse syllogismus, & est sic idem ac ratio consequens: abstractè sumpta est velut comes & immediatum consequens forme seu Propositionis syllogisticae, id est, virtus quadam ex legitimâ dispositione syllogismi existens. V. dec. 1. Misc. d. 10. t. 2. 3. Eadem consequentia per medium illativa est solius Syllogismi propria: qualitercunq. eductiva potest etiam in propositionibus esse. Sic in consecutione, Conversione, Vi. t. 18. & dis: 10. c. 1. 7. Consequentia ut sic, non est principium solius rationis, q. ratio per se sola illud confinxisset, introduxisset, aut adhibuisset: sed nature, à DEo in naturam intellectualem fundamentaliter fixum, ab intellectu observatum & adhibitum, & à DEo, Christo, Prophetis & Apostolis, in utroq. Testam. copiosè usurpatum. Quod qui in Theologicis materis locum habere debere negant, Vt ex Papis quondam Perronius, Arnoldus, Gontierius, Veronius, Ex Nostri Hofmannus, Olearius, Kittelmannus & alij, sed diverso scopo modoq. fecerunt, Deo, Nature, & lumini ab eo condito impressoq. ac praxi Christi, Prophetarum, Apostolorum, & communi intelligendi rationi contraveniunt, & ex intelligentib. creaturis bruta conformare ablaborant, Vt plurib. alibi dicitur. Quadam ex dec. 1. Misc. c. 1. t.

c. l. t. 7. seq. patent. Qui ad certum genus hominum aut hunc illum vè hominem eam determinant, ut Ecclesiam, Papam, Concilium, Caesarem, status Catholicos, ut Papista, Forerus int̃ überschlag/ c. 2. p. 100. alijq̃ contendunt, intellectui humano & Logico injuriam faciunt. Consequentiam n. judicare, veranè an falsa sit, ad intellectum humanum rectè se habentem & Logico Lumine illustratum pertinet, ut de constructione Grammatica judicare ad Grammaticum, non Papam, Caesarem, aut Praelatis alligandum, nisi quatenus Logicos esse constiterit. Pluribus alibi hac de re. 8. Conclusio non est pars syllogismi partialiter pro praemissis sumptis, sed effectus: Et ita benè Cl. I. Marc. Niphus, Lemovius, Pacius, Masius, Arniseus, Montorius, alijq̃: Syllogismi totaliter, ut discursus est, sumpti omninò pars est, non solum materialis & extrinseca, ut Masius vult, sed essentialis & intrinseca: Ponitur enim in definitione Syllogismi, V. c. 18. Et pertinet formaliter ad tertiam operationem Logicam, V. c. 1. Et sic effectus cum suis causis totum ali-quod aggregatum constituere possunt. Sic liberi cum parentibus familiam domesticam. V. Zanack. l. 3. Logi. f. i. c. i. q. 4. Conf. amplius Dn. Weg. q. 9. in l. i. prior. Goclen. p. 4. prob. q. 11. 12. Keckerman. l. 3. f. i. c. i. Mendozam d. 10. Log. f. 12. Schëib. c. l. n. 55. Hipp. q. 28. Log. Finc. d. syl. c. 2. q. 3. Timpl. 4. Log. c. i. q. 10. Quidam formam syllogismi vocant. Hoc analogicè concedi potest. V. Sch: c. l. n. 57. 58.

21. Dicitur 3. Necesitate formæ. Nota 1. Necesitas alia est materia, seu consequentis & rei connexa, quæ à terminis necessario connexis pendet, quæ in Apodictico Syllogismo requiritur: alia formæ, seu consequentia & illationis, quæ ex ipsâ Dispositione pramissarum pendet. Hac hic intelligitur. Et hac necessario in Logicis ponenda est, ut benè c. Rameos Cl.

I.M. c. 1. c. 9. q. 2. probat. *Quicquid Ramiffæ hic oggerant.* Et hanc Aristoteles innuit verbis, eò, quòd hæc sunt: id est, Conclusio ex positis præmissis necessario inferitur, ut dispositio-
 nus. 2. Necesitas alia est absoluta, cum termini sunt entia necessaria, non dependentia à nostrâ operatione, ut Cælum, Corpus, homo, animal: alia hypothetica, cum termini absolutè sunt entia contingentia, ut Temperantia, Virtus. Vtrâq; neces-
 sitas hic locum habere potest in formâ. Sic: Homo est ani-
 mal. Petrus est homo. E. Temperantia est virtus. Hæc a-
 ctio est temperantia. E. Hic nuda illatio ex præmissis spectatur:
 In demonstratione Terminorum propria connexio accuratius
 expenditur 3. Definitio primò competit syllogismo simplici:
 secundò composito, per simplicem, in quem resolvi potest. Di-
 citur. 4. Naturali processu, ut illationis forma sequatur
 naturam rectè se habentem, eamq; perficiat, non distortè proce-
 dentè, eãvè evertat. Sic quarta figura rejicitur ex innaturali
 processu. V. t. 27.

22. Fuit Definitio Syllogismi. Ex eâ explicatâ plura
 patent, quæ hic moveri solent. Vt, 1. An Deo conveniat syl-
 logismus? Negat Scal. ex. 307. s. 8. August. l. 15. d. Trin.
 c. 14. Et rectè. Nam syllogismus est illatio ignotorum ex no-
 tiori pluribus actibus successivis perfectâ. V. t. 18. At nec
 Deo ignotum aliquid, nec successio actuum in eo, in quo omnia
 sunt ev tōvōv. Intuitivè, penetrativè & comprehensivè co-
 gnoscit, non abstractivè, discursivè, & per actus ad actum suc-
 cessivè. 2. An Angelis? Omnino. Non enim illi omnia no-
 runt, & successivè ab uno actu ad alterum progredi possunt.
 Dissentit Tolet. in 1. post. c. 1. q. 1. Thomas p. 1. q. 58. a. 3.
 Drexelius in horolog. hor. 4. noct. c. 1. p. 28. In ijs, quæ
 ipsis nota sunt naturaliter & insita, vel à Deo per species infu-
 sa, non utuntur discursu; In illis, quæ vel ipsis non nota, vel non

ita distinctè nota, quæ notitiâ revelata & experimentalis cognoscunt, benè discursum adhibent. Conf. Alsted. Enc. l. 6. p. 2. c. 3. §. 3. & p. 3. c. 2. §. 5. Scheibl. 2. Meta. c. 4. n. 193. *Plura in Pneumaticis de hoc.* 3. An brutis? Ajunt Plurarchus, Val-la, Vallesius, & alij. *Malè.* Nam syllogismus est opus ratio-nis. At in brutis ratio non: Nam hæc ad differentiam homi-nis essentialem pertinet, & particula imaginis divina in ar-ticulo creationis considerata est. Quæ in brutis absurdè collo-cabitur. Conf. dec. 3. misc. d. 2. t. 5. Scheibl. c. l. c. 8. n. 69. & d. syll. c. l. n. 43. Timpler. 4. Log. c. 1. q. 7.

23. *Hactenus definitio Syllogismi: Sequuntur prin-cipia.* Principia Syllogismi sunt, ex quibus formatur ille, vel reformatur. Id est, *Quæ rectitudinem & esse dant syl-logismo, vel evidentiam obscuro conciliant.* Ea quadruplicia sunt: Materialia, formalia, Directiva, & perfectiva. *Ma-terialia sunt, quæ velut materiam syllogismi analogicam præbent. Suntq; vel remota, ut Termini, vel propinqua, ut propositiones.*

24. *De ambiguitate vocis Termini* Vid. d. 2. t. 11. Hic sunt extrema, in quæ syllogismus ultimò resolvitur. Appella-tionis rationem Vide apud Scheib. n. 67. Suntq; tres: Ma-jor, prædicatum Conclusionis, Minor, subjectum, & Medius, qui rationem utriusq; dat. Vnde agnoscantur hi termini, Vi-de apud Hipp. q. 27. Log. Hi tres Termini sufficiunt in Syllogismo perfecto: Nam duo Termini convenire vel dissen-sire ostendi possunt sufficienter, interventu tertij, ut medij. V. Scheib. n. 71. In conglobato, qualis sorites, falso, qualis ineptus, & Cryptico, qui potestate duplex est, plures termini esse possunt. In analogismo quatuor sunt Termini compara-tionis, sed tres illationis, nam similitudo duobus terminis com-prehensa pro uno termino illativo sumitur. V. Sch. c. l. n.

30. Ramei *Terminos* vocant *argumenta*, & *termini. med. argumentum tertium. Malè.* Argumenta enim vel sunt rationes probantes, vel sunt maxima quaedam, ex quibus rationes desumi possunt, & sunt integra propositiones. Et medius Terminus non est argumentum, nam hac tota ratio & dispositio probans est, ipsum corpus Propositionis, ut loquitur Scalig. l. 3. Poët. c. 70. V. Cl. I. M. disc. l. i. c. 2. q. 11. Sed est materia & medium, cuius beneficio argumentatio coalescit. Disponitur enim hic cum extremis questionis, ut fiat argumentum. Ut benè Cl. I. M. c. l. q. 12. Vnde & medij nomen aptè obtinuit. V. Schei. n. 70. Ipsi tres termini in premisis juncti & copulati, ut una copulativa, sunt argumentum probans & inferens Conclusionem. Latè interdum medium ita vocari queat, quia causa est, unde arg. educitur. V. Mendoz. d. 10. Log. §. 52.

25. Principia propinqua sunt tres propositiones, Major, Minor, & Conclusio. Propositionis vox hic sumitur vel latè, prout definita est d. 7. t. 14. Sic omnes tres dicuntur propositiones: vel strictè, ut premisas, sic major & minor sunt propositiones: & sic rectè Zabara. ad i. post t. 13. negat Conclusionem dicendam propositionem, Non enim proponitur Conclusioni: vel strictissimè, ut solam primam premissam notat: Et sic sola major dicitur propositio, minor assumptio. Hæc usurpatio Rameis est usitata. Propositiones ad Syllogismum tres requiruntur ad ostendendam consequentiam evidentiam. In imperfecta argumentatione vel plures vel pauciores esse possunt. Velut in Enthymemate, Scilicet, est. Et sunt vel simplices, unde Syllogismus simplex, vel compositæ, unde Syllogismus compositus exsurgit. Appellationis rationem, cur aliqua dicatur major, alia minor, vide apud Mendoz. c. l. f. 2. §. 50.

26. Formalia principia syllogismi sunt dispositiones figuræ & modis formalibus comprehensa. Hæc principia primo

mò & directè insunt Syllogismo simplici: secundò, indirectè & virtute composito, quatenus in simplices resolvi potest. Figura est Dispositio certa & naturalis medij termini cum extremis, perfectam & evidentem illationem suppeditans. Modus est Determinatio propositionum cujusq; figuræ, dispositionem veram dirigens.

27. De figuris tria videnda, Numerus, ordo, & attributa. De numero quaritur: An tres figuræ sufficiant? Hic in excessu & defectu peccatur. In excessu à Galeno, qui quartam adiecit, quæ ab ipso dicitur Galenica. Et defenditur ab Ursino d. 14. qu. illu. p. 2. q. ult. Gasfendo l. 1. c. Aristotel. ex. 5. §. 4. Flacius eam non ignorari debere ait l. 5. Log. c. 14. At illa dispositio non respondet naturali discursui, qui ita non procedit. Nec iuvat naturam, sed fodiat: non perficit, sed destruit. E. est praternaturalis. E. à Logica proponi non debet, quæ natura convenientem discursum perficere debet, non praternaturalem. Non experimur, nos naturaliter ita ratiocinantes, Petrus est homo, & homo est animal. E. & quoddam animal est Petrus. Et inde hi Syllogismi sunt inutilis, id est, non sunt in usu: Etsi non sint præcisè inutiles, id est, planè nullum usum habeant: Nam ad indirectas & praternaturales argumentationes ostendendas sūt utiles, ut mō ad soritū interdum coacervandum. Sed hæc arguendi rationes imperfectæ sunt, ob quas peculiari figuræ opus non est, cum satis ad 1. 2. 3. reduci queāt. V. Zabari. l. d. qu. fig. c. 5. 8. Cl. I. M. C. 3. d. 8. q. 1. & l. 3. pæd. Log. c. 3. Hipp. q. 33. Log. Mendoz. d. 10. Log. f. 20. Scheib. c. 1.

28. In defectu peccat Valla l. 3 dial. c. 2. & 9. Alij apud Hippium q. 32. Log. qui tertiam figuram reijciunt. Male. Est enim in hac naturalis illatio. Vi si dicas, Aliquis homo raptus est in cælum. Nam Elias eò raptus est. Hic discursus im-

ius implicatur, qui commodissime & directe in tertiâ figurâ formatur. Neq̃ repugnat naturali discursui talis illatio, ut Valla vult, sed maxime ei conformis est. Nec ulla est ratio, ex quâ repugnet. Conf. Scheib. c. I. Nec satis est, in primâ figurâ eum dispeni posse. Nam evidentior est ista materia in tertiâ figurâ, quando naturalia subiecta subiunguntur, prædicata prædicantur, quàm in primâ erit, ubi inversio eorum sequitur. Quicquid sit de formâ dispositivâ, qua semper in 1. figurâ est manifestissima. Conf. eundem c. I. n. 16.

29. *De ordine queritur: An prima jure primum locum obtineat? Negant Ramei, Gassendus c. I. Vrsinus p. I. qu. ill. d. 14. t. 63. 64. Ramus l. 7. schol. Dial. c. 5. Taleus, Tempellus, Scribonius, alijq̃, & tertiam primam faciunt, Quod sit simplicissima, facilima, artificiosissima. Falsâ hac. Quod est evidentissimum, notissimum, & discursui naturalisimilimum, id hic primum esse debet. Nam à notioribus hic progrediendum. Tale quid est figura prima, qua naturali discursui apertissime respondet, nō secunda, non tertia, qua sunt obscuræ res: quicquid sit de simplicitate, qua in 3. fig. putatur major: aut artificiositate, qua primum ordinem hic ponere non potest: aut facilitate, qua supra primam figuram in nullâ est. Co. Cl. I. M. c. I. q. 2. & C. 8. d. 4. q. 1. & l. 2. disc. c. 10. q. 4. aliosq̃.*

30. *De attributis figurarum queruntur aliqua? An modi figurarum Barbaris vocabulis enuntiandi? Negant Ramei: quod sint barbara, obscuros Syllogismos faciant, observatu difficillima sint, & alijs commodioribus vocibus exprimi possint. Retinens Aristotelei, quod sint utilissima, Syllogisticam dispositionem manifestissime determinent, & facilitatem argumentandi rationem proponant. Quod barbara sint, id in technicis vocibus parum curatur. In Scholis Philosophorum*

*rum hic versamur, non Grammaticorum. Cætera, quæ Ram-
mei proponunt, sunt falsa. V. Cl. J. M. c. l. q. 4. Scheib. n. 33. 2.
An modi indirecti addendi figuris? Quidam addunt. Sed
non multum opus: Cum naturalis discursus contraveniant, &
deoq; præternaturaliter & obliquè ac indirectè saltem inferant,
de quib. in Log. multum præcipere nec pretij, nec usus multum
obtinet. De ijs Conf. Mend. f. 17. t. 10. Scheib. c. 6. n. 11.
12. 3. An tertia figura rectè dicatur contracta, quòd sem-
per contractâ formâ reperiatur in auctoribus? Ajant Ram-
mei quidam: Alij id negant, & exempla in contrarium adducunt.
Gocl. p. 4. q. 15. Vrsinus p. 1. c. l. t. 73. Sive inveniatur
sive non apud Oratores formâ contractâ, non statim appella-
tionem Syllogismo dare debet. Non enim Logices norma est
Oratorum Usurpatio, sed recta ratio & accurata discursus for-
matio. Vt benè Cl. I. M. c. l. q. 3. & d. 13. probl. q. 1.*

31. 4. Cur in 1. figurâ ex majore particulari, minore
negante formaliter nil sequatur? Cur ex majore particulari
& omnibus præmissis affirmatis in 2. figurâ nihil? Cur ex
miore negante & conclusione universalis in tertiâ figurâ ni-
hil? Cur in secundâ medium bis prædicetur, in Tertiâ bis sub-
jiciatur? Causas horum reddit Cl. I. M. C. 4. d. 2. q. 1. 2. d.
3. q. 1. C. 8. d. 5. q. 2. d. 6. q. 1. 2. d. 7. q. 1. Hic ob charta-
rum angustiam deduci omnia nequeunt.

32. Fuerunt Principia formalia: Sequuntur Directi-
va, quæ Consequentiam ejus dirigunt, ut verè & ad lu-
men Naturæ congruè semper procedat, nunquam ab
eo deviet. Suntq; primaria & secundaria. Primaria, quæ
primò & præcipue id faciunt. Et duo sunt: Dici de omni
& dici de nullo: Illud affirmantium, hoc negantium Syllo-
gismorum. Hac principia an verè talia sint, & quam in re
consistant, disquirunt Logici? Ramus in totum rejicit & nu-
gatoria

gatoria vocat. 1. 7. Sch. Log. c. 3. At naturalis intellectus iis assentitur, & DEVS in natural lumen ea manifestissime inseruit, ut cæcum esse oporteat, qui veritatē eorum non videat. Conf. Finkium d. Syll. c. 4. q. 5. Cl. I. M. l. 2. disc. c. 9. q. 3. Alij propositiones Vniversales affirmantes & negantes esse volunt apud Zabarel: l. d. 4. fig. c. 6. Reg. l. 3. Log. pro. 5. At propositio universalis & particularis est in parte secundā Logices, ubi nondum est principium directivum processus syllogistici, quod hic esse debet. Alij ipsum processum Syllogisticum esse putant. Zabarel: c. l. Finc. d. syll. c. 4. Can. 2. Aver. apud Reg. c. l. Co. Mart. l. 3. p. com. c. 2. At aliud est processus syllogisticus: aliud principium ejus directivum, quo dirigi, ad quod formari & explorari ille debet, an legitimus sit, recteque se habeat, Quod hic esse debet. Propriè principium processus Syllogistici est, ostendens, quo fundamento syllogismi vis illativa nitatur: Ipse syllogismus est virtute & potestate tantū, quia ex eo velut radice educi potest. D. de omni est principium ostendens vim illativam syllogismi affirmativi: Dictum de nullo negativi.

33. De his principijs nota: 1. Hæc principia primò competunt Syllogismis simplicibus, secundò compositis, & imperfectis, quā in simplices & perfectos resolvuntur: planè non singularibus & expositorijs. Hi enim hic non comprehenduntur. V. Scheib. n. 21. 2. Principia hæc manifestè & evidenterissime competunt figuræ primæ, in quā apertissime ostendi possunt: minùs manifestè & reductivè secundæ & tertiæ, quatenùs ad primam figuram reduci possunt. V. Zabarellā, Finck. & Reg: c. l. 3. Principia hæc Logica nituntur his Metaphisicis, Quæ sunt eadem Vni Tertio, inter se sunt eadem, & quæ non sunt eadem Vni Tertio, nec inter se sunt eadem. Quæ Albertus M. pro dici de Omni & Nullo substituit apud Reg. c. l.


Et si alias tertia figura attribui soleant. Et facile patet: Nam ideo aliquid contentum sub superiori predicatum illius admittit, quia est idem illi, seu identitatem cum eo habet, & contrā. Et hac principia nituntur illis generalibus: Impossibile est idem esse & non esse. Quodlibet est, aut non est. Nisi, quod dici de O. & N. magis ad Logicam accommodatè exprimuntur: hac magis ad Metaphysicam. De his pluribus Mendozam d. Log. 10. s. 16. vide.


34. Fuerunt principia Directiva primaria: secundaria sunt, quae secundo & consequenter id faciunt. Hac regulae ex primariis illis extructae sunt, processum syllogisticum ad verum dirigentes. Vt, Ex puris particularibus formaliter nihil sequitur. Partibus ex puris sequitur nihil, atq. negativis. Lex generalis erat, medium concludere nescit. Non plures aut pauciores Termini tribus. Termini identicè sumantur quā sensum in syllogismo, id est, non mutantur, augeantur, minuantur, implicentur, contrariantur, & c. Servetur idem genus predicationis: Non procedatur à non distributo ad distributum, & quae similia sunt, quae fusè explicant Finckius c. 1. c. 2. §. 12. 13. Scheib. c. 2. d. syl. Scharfius l. 3. Log. c. 1. Barthol. l. 3. p. com. c. 4. Exempla horum in contrarium quib. peccatur, fusè dec. 1. mis. d. 7. sunt adducta, illisq. regula ab opposito illustrata.

35. Sic Directiva princ. fuerant: Sequuntur perfectiva, quae manifestandae Syllogismi consequentiae inserviunt. Suntq. duo: Reductio & Expositio. Reductio est consequentiae formalis syllogismorū 2. & 3 fig. per primā manifestatio. Negatur à Rameis, Ramo, Beurhu. & c. Sed utilis est in Logica, cog. servanda. Vt plurib. dec. 1. Misc. d. 9. c. 21. ostensum. Expositio est syllogismi 3. figura per medium singulare illustratio. De c. 1. c. 22. 23. 24. pluribus. Haec de syllogismi principijs sufficient.

Auctarium.

De copulâ Tropicâ sub auctariū Disp. 9. quadam dīscus-
 sa. Iam porrò nonnulla pertexēda. Dices 5. Plenīs ve-
 lis Calvinistis p̄ tales sententias de copulâ Tropicâ inducitur.
 R. Plenīs verbū id negamus. Quatuor adhuc hic desunt. Illi
 copulam in se & solitariē tropicam esse, ratione solius dispositio-
 nis talem esse, dispositionem in se & formaliter sumptam circa
 extrema impropriam esse, & in propositionibus de Canâ &
 Christo tropicam esse statuunt. Omnia hac nos negamus. 6.
 Occasio tamen magna aperitur ex generali ad speciale inferē-
 di, & sic in Canâ pro copulâ Tropicâ vehementer laborabunt
 Reformati, si generale illud, Cop. posse esse Tropicam, illis conce-
 datur. Quodenim de genere affirmatur, de nullâ specie nega-
 ri debes. R. Occasio à generali ad speciale inferendi aperitur, sc.
 quod verè speciale est, & sub generali verè continetur. Sed nos
 enuntiata de canâ & copulas in illa negamus esse Tropicas, ade-
 oq; sub hoc, copulam posse esse tropicam, negamus copulam canā
 contineri, sed disparari ab eo. Nec dicimus generaliter, Om.
 copulam posse esse Trop. sic quavis species subsumeretur: Sed in-
 definitè, Cop. posse esse Tropicam. Indefinita autem in materi-
 contingentē equipollent particulari, non universali. Hic
 autem talis est. Tropicum esse posse contingens est in copulâ.
 7. Etiam indefinitum hoc, Copulâ est uspiam esse Tropicam,
 semper à Nostriis contra Ref. negatum est. R. Sed in visâ veri-
 tate. Et negatum est, sed de copulâ est solitariē acceptâ sine ex-
 tremis, sic enim contendebant Reformati, & materiale predi-
 catum proprium manere dicebant. Hoc modo & nos cop. Tro-
 picam esse posse universim negabimus. Quando copula est tro-
 pica, semper predicatum materiale, cujus copula attributio ad
 subiectum est, simul est tropicum, nunquam manet
 proprium. V. d. 8. c. 6. Plura alijs locis,





H. NICOLAI

OPERA.

TOMUS II.